

2 TIMOTEO

Kukū Nyɔɔfa Ko Di Paulo

Lakpana Aata Ni Timoteo

¹ Ami, Paulo, di Yaa sibuale kamε nle ni Yesu Kristo tɔkyɛntε, nfū kuukū ko mmle lekye. Beekpee mi ale mbue ntɔkɔ batii di nkpa be suoto bɛεka ntam bɛεta wo ni di Yesu Kristo onwii ɔbla kamε.

² Kɔkpana nta obi nii bɔmbɔtε Timoteo. Yaa Ote ku Saate loo Yesu Kristo ale fɔ sibuale, aanya fɔ nyaami, aata fɔ atoko ɔkyε ole.

Osie Okpee ɔta Oyila Kpinkpī Di Ofū Onu Kamε.

³ Kɔpε Yaa wɔ ɔkpε kɔbla ni sεfa fε mmle baawa nii labla nii. Mbla nle mmle di otu wɔ niɛkpa ni kamε. Mpε Yaa sεfa di obe wɔ konyuma fɔ ni di ɔlaa ɔpε ɔtɔɔ Yaa diisi lefɔ kakū ku kakyε. ⁴ Nse lenyuma kaku ka faawi nii, mmiɛ osie kanya nle kanya fɔ mmle di suoto kayɔɔ mi nii. ⁵ Ntoonyuma ofū onu biene wɔ fakpe nii. Ofū onu nwu okle niawε ɔwa lefɔ sanko Lois ku yaafɔ Eunike ne. Lefū lenu nle ofū onu nwu okle ninkpe fɔ ne. ⁶ Nle mmle oso konyumasa fɔ nlε, faaklee letasaa le di Yaa lata fɔ ni di obe wɔ latika fɔ ni nnεε di suoto lapε ɔlaa latɔɔ nii. ⁷ Diekye Yaa diɛta wo leyεke ninwuna. Kafɔɔ Ninwuna le ninkpee wo ni osie, lebɔmbɔ ku suoto olenkee ninwuna εeta wo.

⁸ Nle mmle oso tanta sinunsɔ lakpε fɔ di Saate ɔlaa nwu obue suoto, ee sinunsɔ lakpε fɔ di

suoto nii, ami wɔ ninle ni leyo tentε ta Kristo oso. Kafɔɔ lolaa suoto fata dibuo di Saate ɔlaa biene nwu obue kame, fe mmle di Yaa lεta fɔ osie ale faabla ni. ⁹ Diekye nnwɔɔ Yaa niediki wo, εελεε wo, εεbla wo batii nɔɔ. Diele ale lessaa biene lewo buɔbla ni oso. Kafɔɔ, Yaa omu niεte ku sibuale nɔɔ se akpe ata wo ni oso. Eele wo sibuale se mmle di Saate Yesu Kristo kame fiε bia εεbla kayi. ¹⁰ Kafɔɔ mianfe di Yaa lediki sī kayi klekle di Dikite Yesu Kristo nwu lewa kame ne. Nnwɔɔ nialenkee kukpi osie, diefe ni di ɔlaa biene nɔɔ nwu kame, εεyɔ nkpa be ninnaa ni kaloo εεta wo. ¹¹ Yaa lεyɔ mi εεbla tɔkyentε nɔɔ ale kale nwɔ ɔlaa biene nwu kyayiente ku saatuotε. ¹² Nle mmle oso konya dibuo ne. Kafɔɔ sinunso dilɔɔkpε mi. Diekye n-ye otii wɔ lefū lenu nii. N-ye nle abafuo lessaa le lεyɔ lekpee nwɔ ni ninnεε kame onyu nwaa ninaase di dii yεntεle nwu kame.

¹³ Mufū ɔlaa nwaa nwu faklee osie kanya fe mmle latuo fɔ ni. Faasiε di ofū onu ku lεbɔɔmbɔ le ninsi ni di Yesu Kristo onwii ɔbla kame. ¹⁴ Ninwuna Klekle le ninsi wo ni kaame dikpee fɔ osie ale, faalolaa lessaa biene le bεeyɔ beekpee fɔ ni ninnεε kame fanklee nwaa.

¹⁵ Faye falε bafūbanute ba bamuu ninkpe ni di Asia ntoosī mi, bia Figelo ku Hermegene kafɔɔ nsi kaame. ¹⁶ Saate omu anya Onesiforo ku kafaabi nɔɔ nyaami, diekye sinunso dilɔɔkpε nwɔ di suoto nii ale nle leyotentε. Nioso obe lele ɔɔkyakaakoe osie kanya. ¹⁷ Obe wɔ aanya aakyε okye Roma aababuo nii, ni aakyako mi owolaa dialaase di obe wɔ aanyεε nii ne. ¹⁸ Saate

loo anyoo nyaami di ləkankoyi nwu suoto! Faye kafoo mmle okle aakyakaakoe ni di Efeso osie kanya.

2

Yesu Kristo Tikankote Biene.

¹ Afə yi, obi nii, kpee osie di onwii loo əbla kamə ku Yesu Kristo sibualə se εεta wo ni kamə. ² Yə asaatuo ya faanu latuo ni di batii kpinwu anu fatuo batii ba feefū feenu fale beelolaa suoto ale baatuo ni batii bamba kafoo. ³ Kpee otu diibuo kamə, fe Yesu Kristo kpete biene. ⁴ Diekye kpete biene wə nikomie ale abuo ni kakpe kanyayilate ee saate nōo anu, ninsinkpee kanya di sekpe se ninanle ni kakpe kanya. ⁵ Fiə di tosotə mafū ni lelenkee letota, dikpe nii eetoso di otoso afiofa kanya. ⁶ Fekpente wə niεbla ni əkpə koofe ku okyiini, nnwəc ninle kofe nōo kamə alesaa kasale ne. ⁷ Bu selaa se kobue ni disi fanyu, diekye n-ye nle, Saate nwu makyakaako fə faanu simuu kasə.

⁸ Nyuma Yesu Kristo, Otii wə di Yaa latakatessa aakyeko ni bakpi kamə, ale ni Dawid ɔnanti. Əlaa nōo ninle əlaa biene wə kobue ni ne. ⁹ Ta əlaa biene nwu kobue ni oso, ni diobuo mi ne. Beεere mi kafoo lekpo fe otii wə niεbla ni okpile. Kafoo blafuo Yaa əlaa lekpo ɔrə. ¹⁰ Nioso kopee otu di asaa amuu kamə ta Yaa batii ba eediki ni oso, mmle okle nimma kafoo baawə ni didiki le niekye ni Yesu Kristo kamə ninwako ni suoto leyoo leklekle le ninnaa ni kaloo.

¹¹ Nwaa əlaa kule ale,
"Nse buokpi ku Yesu,
ni bubasis nkpa ku nnwəc.

12 Nse buokpee otu diibuo kamε,
ni bubale sekə ku nnwɔɔ.

Nse buosi nwɔ,
ni nnwɔɔ kafɔɔ abasɔ wo.

13 Nse diewa ale buokple di ofū onu loo kamaa,
nnwɔɔ ɔlabakple di ntam nɔɔ kamaa,
diekye nwɔɔ ɔlabafuo suoto osi diidii."

Kpemblate Wɔ ɔkpε Nimbuo Ni Yaa Anu.

14 Nyumasa batii lefɔ asaa ya mmle faasɔ ɔlaa fata ma osie kanya di Yaa anu falε batansinnanfi selaa. Diekye nfasū kunwii diesi kaame. Ninta ale batii ba nikonu ye ni ofū onu nkpi. **15** Kpee okyiini faabla ɔkpε fe kpemblate wɔ nikobuo ni Yaa anu, siinunso dilɔɔkpε ni. Faale otii wɔ nintuo ni Yaa ɔlaa nwaa fe mmle kute ni.

16 Diki suoto di seteeteelaa ku selaakuu obue kamε. Diekye batii ba nikɔbla ni asaa ya mmle okle, nimblasa ma ninkyeko Yaa nfū fanfa.

17 Akakate ya mmle kafɔɔ nte fe lekpesekɔ le ninankpi nii. Batii banyɔ kɔbla nya okle, mma ninle Himeo ku Fileto ne. **18** Batoodie osuku biene nwu, bɔɔkpɔɔkpɔɔsa bafūbanute bawo mambue ale, okple loo lese lətaka nwu ntɔɔwa kaanya kofokofoko. **19** Kafɔɔ, lessɔse le siene di Yaa ntoose nii, diidii dilabafuo otükü. Nni suoto bɛɛkpana selaa se mmle beetika ale, "Saate nyε batii ba ninle nwɔ ni bale," ni, "Olele kafɔɔ nikobue ale Saate ole ale, dikpe nii otii nwu lekyi eedie sikpile ɔbla."

20 Di saawente leyo, awansaa ate ate nwε. Awo koto fututu bɛɛyɔ bɛɛbla nya, awo kafɔɔ koto sεele bɛɛyɔ bɛɛbla nya. Awo kɔtε ku sewoso bɛɛyɔ bɛɛbla nya. Awo ayi finle mamblako nya

ɔkpε, fie di awo kafɔɔ obe lele mamblako nya ɔkpε. ²¹ Nioso se otii owo lεbla suoto klekle, eediki suoto eekyeko sikpile simuu kamε, abale anta sekpe finle ɔyɔ ɔblako, diekye eelolaa suoto εeta Saate nɔɔ ɔkpε biene ɔbla.

²² Nioso toso sekosopo akɔnsoklesaa, faatikanko leklekle, ofū onu, lebɔmbɔ ku atoko ɔkyε ole. Faasiε di batii ba nimpe ɔlaa manta ni Yaa ku otu biene kamε. ²³ Kokple ntɔkɔ fɔ nle, tansie di dibuu ku lesaa ɔstantofo selaa bananfite kamε, diekye faye fale kalɔ ko ninwako. ²⁴ Diekye diɛkaate ale Yaa kpemblate lεlo. Diekye dikpe ni anwε sifutule anta batii bamuu, anle saatuotε biene, anwε otu ɔtε kaaso. ²⁵ Batii ba kafɔɔ niɛtaka bayε ni di ɔlaa biene wɔ mmle suoto, dikpe nii eediki selaa kasɔ εeta ma ku otu buεε. Loobia Yaa mata mankyisa situ, mamatofo nwaako ɔlaa nwu. ²⁶ Ni dibasɛketε ma mandie di Abonsam sikū se εekyɔɔ eemufū ma εεbla ma ni kufiofa nɔɔ baletε.

3

Batii Masī Yaa Di Ayi Yentele Ya Mmle Kame.

¹ Te nle mmle nsū, di ayi yentele kamε, amumu mata kayi mawε osie. ² Batii mabɔmbɔ suoto lεma lete ku koto lεma. Babatakatesa suoto katoo, suoto lεma mabuo ma anu. Babatufa batii, batii dilabasimbu balofote lεma. Batii dilabasimpε sefa, blɔbasintikanko Yaa leklekle kafɔɔ. ³ Batii dilabasimbla sifutule, nyaami ɔnya dilabasinwε, ditiikpɔnɔnfɔsa mapɔ, suoto omufū okle dilabasinwε, batii mayakayaka ku kakpe, dibiene ɔtambɔmbɔ mawε. ⁴ Awo kafɔɔ

ninle ale, batii madiki bawo lëma manta. Batii mapesewa mambla asaa diisi otambu kame, suoto katoe otakatesa mata batii nnyu ale lete lëma ninlenke. Batii mabombö kaföö kayi asaa manlenkee Yaa. ⁵ Batii ba mmle okle mabla fe Yaa batii bale, kaföö beesi Yaa osie wö nikakpaa ma mansie ni Yaa nkpa disiebi. Tambla onwii ku batii ba mmle okle.

⁶ Diekye batii ba mmle okle, mammaa mambuo batii ayo, mankyonkyö basanko ba ninanfuo ni suoto olenkee, ta beeyii ni ku sikpile ate ate siokpaa ma sinsifiko ni siisuku kpile suoto.

⁷ Basanko ba mmle okle kotekete asaa obe lele kaföö, boloonu nwaako olaa nwu kasö. ⁸ Fe mmle di Yane ku Yambri lataka baayila ni di Mose suoto, nkpo okle di balaate asaa batuote ba mmle letaka baye di nwaako olaa wö mmle suoto ne. Batii ba mmle nle batii ba siikpile ntooyii ni asi kame pö batooyu ni ofü onu osuku nwu. ⁹ Kaföö, batii ba mmle dilabakyë sitü, diekye dibuu lëma nwu madie kayi batii bamuu nnya, fe mmle okle diawa ni di Yane ku Yambri suoto.

Yaa Madiki Fö Ankyeko Atikanko Amuu Kame.

¹⁰ Kaföö afö yi, faye mi asaa otuo, faye mi nkpa, faye mi disitikasaa, faye mi ofü onu, otu öte kaasö, lebombö, ku mmle ninkpee ni osie die dibuo kame. ¹¹ Faye atikanko nii ku abuo nii. Faye nle niablee ni di Antioquia ku Ikonion ku Listra, ku atikanko siene ya kame lafe nii. Kaföö Saate nwu ladiki mi di amuu kame.

¹² Nwaako dile ale, batii ba bamuu nikomie ale basie ni nkpa biene di Yesu Kristo onwii obla kame, manwe abuo ku atikanko.

13 Kaf o batii kpile ku balaate asaa batuot e kalalaa mat o taka katoo, mant o ky onky o batii. Nioso babato ky onky o batii. Batii bamba kaf o mat o ky onky o ma. **14** Kaf o af o, klee asaa ya beetuo f o ni ku lesaa le feef u feenu ni osie kanya. Diekye faye basaatuot e l ef o. **15** Diekye ni bia sibis o l ef o kam e faye K okpana Klekle nwu. Nk u niebla f o nubente dieta didiki n e, diefe ni di Yesu Kristo of u onu kam e.

16 Yaa Ninwuna Klekle niekpaa batii fi e b ekpana K okpana Klekle. Nioso kule ku ta asaa otuo,  laa os i  ta otii, kule ku ta kalolaa, ku otii  nanfi  ta nkpa klekle osie. **17** B ekpana nwu mmle okle kualolaa Yaa otii anwo, anta ni sek pe biene simuu  bla.

4

Diki  laa Biene Nwu Fabue.

1 N-y e di Yaa ku Yesu Kristo anu, otii w o nimawa amakanko ni batii ku bakpi, anle ni sek a, nka f o osie kanya nl e, **2** kayaa nkpe woo, kayaa nn aa woo, kpee okyiini fadiki  laa biene nwu fabue. Faalolaa ma, faas i  laa fata ma, faakpee ma  ny es. Nse foodiki selaa kas o fanta ma, faanyu fale f et e otu kaas o. **3** Diekye obe owo k wa batii dilabasimm e ale b  ky o atoko mannu  laa biene nwu. Nkpo oso babam e basaatuot e manta suoto l ema ale baatuo ma assaa ya boom e ale boonu nii. **4** Babakple di  laa biene nwu semaa mantikanko selaa se beewola b et e nii. **5** Kaf o af o yi, klee osie kanya, faakpee otu diibuo kam e. Faabla Yaa  laa biene nwu buet e

ɔkpε. Faalolaa ɔkpε lεfɔ omuu fabla nwaa fe Yaa kpεmblate.

⁶ Diekye ami yi, obe nii wɔ kakpi ndie ni kaayi ka mmle kame nfε kowo. Babayo mi fe bɔkεε manta ni Yaa ole. ⁷ Ntɔɔkpε kakpε biene, ntooloo otoso biene nwu otoso. Leklee kafɔɔ ofū onu nii di Kristo kame lεlaase kaase. ⁸ Nioso nunua, Yaa ntoololaa Leklekkle letota εετε mi, nle di Saate wɔ ninka ni leeklekkle kame mayo antεε ni di diikple le suoto abakple anwa nii. Diele lete nii abata letota le mmle. Kafɔɔ ku batii ba nikonyu osuku manta ni lekple lewa nɔɔ nyɔɔfa nwu.

Wa Wla Fabanyεε.

⁹ Kpee okyiini faawa wla fabanyεε. ¹⁰ Diekye Dema ntoosifi Tesalonika eediε mi ta kayi assaa lebɔmbɔ oso. Kreske kafɔɔ ntoosifi Galatia. Tito ntoosifi Dalmatia. ¹¹ Luka lete niebu di ɔkyε nii. Nioso wolaa Marko faakpaa nwɔ fawako, diekye abafuo mi ɔkyakaako nwaa di ɔkpε wɔ kɔbla ni kame. ¹² Lekpee Tihiko nle akyε Efeso. ¹³ Nse fɔɔwa kafɔɔ yi, yɔ lεwɔɔfɔ awu nii ya ladie ni di Karpo nfū di Troia fawakoe. Faayo akū nii fawakoe kyenkye n-ya bεεbla ni ku babɔkεε nkunkyeεε.

¹⁴ Aleksandro wɔ ninle ni abɔɔsaa kpεmblate labla mi amumu osie kanya. Saate matɔɔ assaa ya aabla mi ni koto. ¹⁵ Nioso lolaa suoto fanyu di suoto nɔɔ, diekye aataka aayila osie kanya di assaa otuo loo suoto.

¹⁶ Obe wɔ baaleεε mi ni lεka kasale ale ndiki ni suoto kanya, kuonwii lεma ditayila mi kamaa, bamuu lεma baasī mi. Yaa atannanfi ma kootoko, ayo akyε ma. ¹⁷ Kafɔɔ, Saate

nwu lasiékoe aakpee mi osie ale, lafuo Saate ɔlaa biene nwu obue nwaa ɔta batii ba ninanle ni Yuda batii. Yaa ladiki mi aakyeko kukpi kamε. ¹⁸ Saate nwu madiki mi ankyeko okpile lele kamε, abakpaa mi kafɔɔ buεε anaabuoko sεka nɔɔ kalekɔɔ ninle ni Yaa Kafa. Yaa lele ninle lεtansa ku leklekle ninnaa ni kaloo. Diwa kaanya.

Lesesa Yentele.

¹⁹ Kɔsεesa Priskila ku Akwila kuε Onesiforo leyo batii bamuu. ²⁰ Erasto nkpe di Korinto, Trofimo kafɔɔ kofie, nkposo ladie nwɔ di Mileto. ²¹ Kpee okyiini faawa fababuo fie di lεwɔɔfɔ obe diwo. Eubulo ku Pude ku Lino ku Klaudia kuε bafūbanute bule bamuu kɔsεesa fɔ biene biene. ²² Saate nwu aklee fɔ ninwuna. Yaa sibuale disiékko ye.

Yaa Kanya Ninii Føle Selεε

Selεε: Yaa Kanya Ninii Føle Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6